



2014.-2017.

IZVJEŠTAJ O RADU UDRUŽENJA POSLODAVACA KS

prijedlog



UPRAVNI ODBOR UP KS

Izveštaj o radu Udruženja poslodavaca za period 2014-2017. godinu je izvještaj za period između dvije Skupštine. Izvještaj je sačinjen na osnovu Programa rada i provedenih aktivnosti u proteklim godinama i predstavlja pregled realizovanih aktivnosti Udruženja poslodavaca KS, odnosno njegovih organa, te sadrži osnovne rezultate koji su postignuti tokom protekle godine. Udruženje je svoju cjelokupnu aktivnost u protekloj godini kao i u prethodnim godinama zasnivalo na nastojanjima za ostvarenje sljedećih ciljeva:

- Stvaranje adekvatnog poslovnog ambijenta koji će omogućiti stabilno poslovanje naših članica, razvoj i punu zaposlenost;
- Poboljšanje postojeće zakonodavne regulative te novih zakonodavnih inicijativa; Smanjenje fiskalnih i parafiskalnih nameta poslodavcima;
- Suzbijanje sive ekonomije;
- Aktivno učešće u tripartitnom ekonomskom-socijalnom dijalogu;
- Jačanje materijalnih, kadrovskih i organizacionih kapaciteta Udruženja;
- Pomoć i podršku članstvu kroz sve segmente rada;
- Zadržavanje postojećih i privlačenje novih članica, kroz kvalitetan i efikasan rad Udruženja;
- Promocija društveno odgovornog preduzetništva.

SKUPŠTINA UDRUŽENJA POSLODAVACA KS

Krajem decembra mjeseca održana je III izborna Skupština Udruženja poslodavaca Kantona Sarajevo. Na Skupštini je izabrano novo rukovodstvo, u sljedećem sastavu:

1. Pilav Muhamed, predsjednik
2. Čengić Safudin
3. Baroš Igor
4. Arnautović Vera
5. Hasanbegović Nahid
6. Olovčić Senad
7. Jabučar Nasir
8. Mrkulić Saljo
9. Šabović Miralem
10. Malagić Enver
11. Skenderagić Nijaz
12. Koldžo Mehmed
13. Čehajić Nedim

Tokom perioda od 2014. do 2017. godine Udruženje poslodavaca Kantona Sarajevo radilo je aktivno na većem broju aktivnosti.

RAD KROZ EKONOMSKO-SOCIJALNO VIJEĆE KS

ESV je jedan od instrumenata gdje UP KS može uticati i utiče na sve one zakonske i podzakonske akte koji su od interesa za poslodavce. Možemo s pravom reći da su tokom proteklih godina skoro svi zakoni od interesa za poslodavce prije upućivanja u Parlament dobili mišljenje socijalnih partnera i bili razmatrani na dnevnom redu sjednice ESV-a.

Kroz Ekonomsko- socijalno vijeće Udruženje poslodavaca je reagovalo na brojne Zakone:

- Nacrt zakona o plaćama i naknadama članova organa upravljanja i drugih organa kantonalnih javnih preduzeća
- Zakon o dopunama Zakona o posredovanju u zapošljavanju i socijalnoj sigurnosti nezaposlenih osoba
- Zakon o izmjenama i dopunama Zakona o socijalnoj zaštiti, zaštiti civilnih žrtava rata i zaštite porodice sa djecom
- Prijedlog zakona o izmjeni i dopuni Zakona o organizaciji i djelokrugu organa uprave i upravnih organizacija Kantona Sarajevo
- Nacrt zakona o izmjenama i dopunama Zakona o Vladi Kantona Sarajevo
- Odluka o obaveznoj preventivnoj sistematskoj deratizaciji u Kantonu Sarajevo
- Nacrt Zakona o taksi prevozu u Kantonu Sarajevo
- Nacrt Zakona o izmjenama i dopunama Zakona o rudarstvu Kantona Sarajevo
- Zakon o plaćama i naknadama policijskih službenika Kantona Sarajevo
- Nacrt zakona o poticaju male privrede
- Zakon o uređenju saobraćaja na području Kantona Sarajevo
- Zakon o izmjenama i dopunama Zakona o predškolskom odgoju i obrazovanju
- Zakon o izmjenama i dopunama Zakona o srednjem obrazovanju
- Prijedlog zakona o porijeklu i oduzimanju nelegalno stečene imovine
- Zakon o uređenju saobraćaja u mirovanju na području Kantona Sarajevo
- Zakon o izmjenama i dopunama Zakona o javnim okupljanima u Kantonu Sarajevo
- Zakon o izmjenama i dopunama Zakona o policijskim službenicima Kantona Sarajevo
- Zakon o pripadnosti javnih prihoda u Kantonu Sarajevo
- Budžet Kantona Sarajevo za 2015. godinu
- Zakon o izmjenama i dopunama Zakona o porezu na promet nepokretnosti i prava
- Odluka o zaduživanju i davanju garancija
- Zakon o inspekcijama Kantona Sarajevo
- Prednacrt zakona o državnoj službi u Kantonu Sarajevo
- Strategija razvoja Kantona Sarajevo do 2020.
- Budžet Kantona Sarajevo za 2016. godinu
- Nacrt zakona o turizmu

- Nacrt zakona o policijskim službenicima u Kantonu Sarajevo Prednacrt zakona o izmjenama i dopunama Zakona o izvršenju sankcija u Kantonu Sarajevo
- Nacrt zakona o unutrašnjim poslovima Kantona Sarajevo
- Prijedlog zakona o poticaju razvoja male privrede
- Inicijativa - Urgencija Udruženja poslodavaca Kantona Sarajevo za iznalaženje rješenja sprječavanja učestalih napada na živote građana, te finansijske, tržišne i druge privredne subjekte
- Nacrt zakona o plaćama i naknadama članova organa upravljanja i drugih organa institucija Kantona Sarajevo, kantonalnih javnih preduzeća i javnih ustanova čiji je osnivač Kanton Sarajevo
- Prijedlog zakona o izmjenama i dopunama Zakona o vodama Kantona Sarajevo - skraćeni postupak
- Prijedlog zakona o radu u Kantonu Sarajevo
- Zakon o osnovnom odgoju i obrazovanju
- Zakon o izmjenama i dopunama Zakona o novčanim podsticajima u poljoprivredi na području Kantona Sarajevo
- Program uređenja gradskog građevinskog zemljišta i realizacije kapitalnih investicija za 2016. godinu
- Zakon o izmjenama i dopunama zakona o koncesijama
- Zakon o javnom prevozu putnika u Kantonu Sarajevo
- Zakon o plaćama i naknadama policijskih službenika Kantona Sarajevo
- Zakon o izmjenama i dopunama zakona o javno privatnom partnerstvu
- Zakon o turizmu
- Zakon o izmjenama i dopunama zakona o rudarstvu
- Zakon o izmjenama i dopunama Zakona o porezu na promet nepokretnosti i prava
- Zakon o izmjenama i dopunama Zakona o plaćama i naknadama u organima vlasti Kantona Sarajevo
- Zakon o lokalnoj samoupravi
- Zakon o nabavljanju, držanju i nošenju oružja i municije Kantona Sarajevo
- Zakon o pripadnosti javnih prihoda u Kantonu Sarajevo

Delegacija poslodavaca u Ekonomsko-socijalnom vijeću KS je u cijelosti ostala kod ranije usvojenih stavova jer se nije moglo pristati na rješenja koja će dovesti do zatvaranja privrednih subjekata i smanjivanja zaposlenosti i time sniziti standard života i zemlju trajno zadržati u recesiji.

Od izvršne i zakonodavne vlasti se očekuje da usvoje i odbrane rješenja koja će stimulirati društveni i privredni rast, privući strane investicije i stvoriti adekvatan poslovni ambijent, te omogućiti zadržavanje postojećih i otvaranje novih radnih mjesta.

AKTIVNOSTI UP KS U PERIODU OD 2014.-2017.

Najznačajnije aktivnosti u periodu od 2014-2017 godine. Odnosile su se na:

1. Pripremu hitnih ekonomskih mjera za izlazak iz krize
2. Inicijativu za jačanje saradnje sa Uredom Gradonačelnika
3. Pripremi i usklađivanju akata udruženja
4. Prezentiranje stvarnih šteta nastalih kao posljedica demonstracija
5. Prijedlog za pomoć firmama koje imaju direktnu posljedicu demonstracija
6. Analizi stanja u privredi Kantona Sarajevo
7. Animiranje poslodavaca za članstvo u UP KS
8. Razmatranje inicijative kompanije Penny plus za iznalaženje rješenja sprječavanja učestalih napada na živote građana, te finansijske, tržišne i druge privredne subjekte
9. Izmjena nastavnog plana i programa za srednju školu: stolari, bravari, tehničari, itd.
10. Inicijativa za ukidanje Odluke o zaštiti i poboljšanju kvaliteta zraka u Kantonu Sarajevo

Kroz dopise, amandmane i direktne kontakte sa predstavnicima vlasti traženo je slijedeće:

- Odgovornost štrajka zdravstvenih radnika
- Poštovanje kolektivnih ugovora
- Pitanje javnog saobraćaja na nivou KS
- Pokretanje inicijative u vezi Interventnog zakona a u vezi toga da se politika plaća budžetskim korisnicima utvrdi i bude u skladu sa svim troškovima sa realnom privredom
- Utvrđivanje Prijedloga Zakona o javnom prevozu putnika u KS, te da se isti stavi u proceduru donošenja
- Izmjena Zakona o porezu na imovinu Kantona Sarajevo
- Da Udruženje poslodavaca KS aktivno uključe u rasprave o problemima u privredi, te da se rasprava ne može voditi na relaciji predstavnici vlasti budžetski korisnici
- Da Nacrt budžeta Vlade KS mora imati komponente razvojnog, te da se ubuduće u pripreme navedenog Nacrta aktivnije uključe predstavnici UP KS
- Od vlade je traženo da konačno izađe sa stavom koliko je ljudi ostalo bez posla u javnom sektoru, a koliko u privatnom sektoru
- Potrebno je smanjiti troškove javnih komunalnih poduzeća koji su nepotrebno

enormno veliki, te riješiti problem velikog broja uposlenih ljudi u administraciji

Od predstavnika vlasti je traženo da se češće održavaju tripartitni sastanci na kojima će se razgovarati o stanju u privredi, te o iznalaženju načina za prevazilaženje ekonomske krize.

Udruženje poslodavaca KS je tražilo da se izvrši rebalans budžeta KS, da se u narednom periodu vlada očituje sa jasnim stavom šta je od definiranih mjera provela i šta nije iz subjektivnih i objektivnih razloga provela, te šta namjerava uraditi po tom pitanju u narednih 6 mjeseci kako bi se stanje popravilo iz ugla poslodavaca.

Traženo je da se napravi analiza javnih poduzeća i pronade način kako javnu potrošnju svesti u realne okvire.

ODNOSI SA INSTUCIJAMA VLASTI I DRUGIM INSTITUCIJAMA

- Predstavnicima Udruženja poslodavaca KS održali su sastanak sa Ministrom pravde i uprave KS, Mariom Nenadićem o Zakonu o državnoj službi u Kantonu Sarajevo. Predstavnicima Udruženja poslodavaca su na ovom sastanku ukazali na određena neslaganja sa tekstom Zakona. Smatraju da su državni službenici prezaštićeni, da su njihova ovim Zakonom zagarantirana prava preširoko postavljena i da su u veoma povlaštenom položaju u odnosu na realni sektor. Istaknuto je da će poslodavci predložiti određene izmjene amandmanski, putem zastupnika u Kantonu Sarajevo.
- Kod predstavnika vlasti predstavnici Udruženja insistirali su na određenim izmjenama Odluke o zaštiti i poboljšanju kvaliteta zraka u KS-u, a koja je najvećim dijelom neprovođiva. Naglašeno je da posebno brine činjenica što u tom pogledu svi subjekti na području KS-a nisu u ravnopravnom položaju, kao i da se ni svi energenti ne tretiraju na isti način, navodeći da je neophodno razraditi i pitanja koja se tiču dimnjačarske djelatnosti, a sve radi osiguranja uvjeta za zaštitu i poboljšanje kvaliteta zraka. Održana je tematska sjednica Ekonomsko-socijalnog vijeća KS na kojoj se raspravljalo o Strategiji razvoja Kantona Sarajevo 2020.
- Predstavnicima Centra civilnih inicijativa CCI, Samostalnog sindikata osnovnog obrazovanja i odgoja FBiH – KO Kantona Sarajevo, Samostalnog sindikata srednjeg obrazovanja BiH – KO Kantona Sarajevo, Ekonomsko-socijalnog vijeća KS, Udruženja poslodavaca KS te Vijeća roditelja učenika osnovnih i srednjih škola KS pozvali su zastupnike u Skupštini KS da ni u kom slučaju ne prihvate

prijedloge zakona o osnovnom odgoju i obrazovanju i zakona o srednjem obrazovanju KS, ukoliko ne budu prihvaćeni amandmani koje su uložili.

Predstavnici Vijeća, Udruženja poslodavaca KS i sindikata zajedno su uputili apel zastupnicima u Skupštini KS da omoguće donošenje prijeko potrebnih pozitivnih reformi u obrazovanju, za šta će najsnažniju podršku imati, kako ističu, upravo u njima, te da onemoguće da privatni i stranački interesi porobe obrazovanje i onemoguće razvoj države i društva.

- Centar za promociju civilnog društva (CPCD) i US Alumni asocijacija u BiH održavanjem prve javne diskusije na temu nacrtu Zakona o porezu na dohodak u FBiH, pokrenuli su novu inicijativu učešća zainteresovane javnosti, predstavnika civilnog društva, poslodavaca i predstavnika političkih partija i javnih institucija na teme od opšteg interesa.
Događaj je okupio preko 60 učesnika koji su imali priliku da uz uvodničare Aidu Soko, savjetnicu premijera FBiH, Ljubišu Đapana, direktora Federalnog zavoda za programiranje razvoja i prof.dr. Izudina Kešetovića dobiju generalni uvid u intencije zakonodavca i stručno mišljenje akademske zajednice. Pored uvodničara svoja iskustva iz relevantnih oblasti prezentirali su i Adnan Smailbegović, predsjednik Upravnog odbora Udruženja poslodavaca FBiH, Muhamed Pilav, predsjednik Udruženja poslodavaca KS, Suad Ećo, vlasnik i direktor Ećo Company, Muamer Mahmutović, predsjednik Privredne komore KS i Omir Tufo, Centar za promociju civilnog društva.
- U okviru dvodnevne konferencije Biznis plusa predsjedavajući Predsjedništva BiH Bakir Izetbegović sastao sa privrednicima koji djeluju unutar kluba Biznis plus.
Predstavnicima Udruženja poslodavaca KS su istakli su slijedeće:
 - Da bez privrede nema izlaza, te da očekuju od vlasti da će uvažiti sugestije koje su poslodavci istakli kroz Publikaciju “Kako do boljeg poslovnog okruženja” – šta poslodavci očekuju od vlasti.
 - Da očekujemo od Razvojne banke da počne investirati u privredu.
 - Da državne institucije trebale pokrenuti mogućnost takve vrste vrijednosnih papira.
 - Istaknuto je da prioritet svih prioriteta treba biti ubrzano povećanje proizvodnje za izvoz.
 - Zaštita domaće proizvodnje.
- Saveza općina i gradova FBiH oformio je Radnu grupu načelnika u vezi sa Prednacrtom zakona o šumama koji je izradilo Federalno ministarstvo poljoprivrede, vodoprivrede i šumarstva. Na sastanku Radne grupe načelnici

općina: Avdija Kovačević (Vareš), Zlatko Hujic (Bosanski Petrovac), Ibro Berilo (Trnovo), Jusuf Čavkunović (Kladanj), Harisa Bojić-Begić (zamjenica općinskog pravobranitelja (Olovo), Muhamed Pilav (predsjednik Udruženja poslodavaca KS i Udruženja proizvođa).

SARADNJA SA SREDSTVIMA JAVNOG INFORMISANJA

Udruženje poslodavaca KS je tokom prethodnih godina poboljšalo komunikaciju sa predstavnicima elektronskih i printanih medija.

Objavljeno je više priloga i informacija, u obraćanjima i gostovanjima predstavnika Udruženja poslodavaca Kantona Sarajevo, na gotovo svim lokalnim printanim (Dnevni avaz, Dnevni list, Oslobođenje, Nezavisne novine, Poslovne novosti, i dr...) i elektronskim medijima (BHTV1 , TV Federacije BiH, TV ALFA, TV1, TV Kantona Sarajevo, NTV Hayat, Radio Federacije BiH, RTRS, BH, Radio Slobodna Evropa Radio Tuzla i dr.), te i drugim novinskim agencijama.

Pored svih navedenih aktivnosti, Udruženje poslodavaca KS radi na konstantnom lobiranju novih članova Udruženja. Organizirani su brojni sastanci sa poslodavcima iz različitih oblasti u svrhu eventualnog učlanjenja u UP KS.

Udruženje poslodavaca KS radi i na upoznavanju bh poduzetnika sa značajem i ulogom Ekonomsko socijalnog vijeća KS u stvaranju povoljnijeg poslovnog okruženja.

Redovno smo pratili poslovne uspjehe bh poduzetnika, te smo im na vrijeme upućivali čestitke za njihovo uspješno poslovanje i putem čestitki ih pozivali da postanu član UP KS.

Putem saopštenja za javnost obavještavali smo medije o svim aktivnostima, skupovima ili događajima koji su se desili u proteklim godinama.

UPRAVNI ODBOR